

Shab-é-Baraate

Perna doute ki Shab-é-Baraate — la nuit de 15eme Sha'baan ou bien Laytoul Baraa-ah ceki nou appelle 'Soubraate ' li ene nuit ki beni et li renferme boucou vertu et profit.

Certaine personne fine prend le toupet et le courage pou dire ki ça la nuit là li ene nuit normal et so banne vertu li basé lors banne hadice ki fabriqué ou bien ki bien faible.

C'est ene déclaration ki basé lors l'ignorance parceki environ 14 Sahaabah (Radiyahou anhoum) fine rapporte hadices lors vertu de ça grand la nuit là.

Parmi ena Hazrat 'Aisha, Hazrat 'Ali, Hazrat Abou Moussa al Ash'ari (Radiyahou anhoum) etc ... ça banne hadices la fine rapporté dans banne livre de hadice tel que Mousnad Ahmad, Ibn Hibban, Bayhaqi, Ibn Maajah etc ...

Li vrai ki ena certaine hadice ki fine rapporté lors sa sujet là zotte faible. Mais ena certaine ki fine déclaré comme sahih par banne Mouhaddicine (expert dans hadice) tel que Ibn Hibban, Al Baihaqui et Al Bazzaar.

Et puis d'après banne oussoule (principes) de banne Mouhaddicine même, sa banne hadice là malgré ki zotte capave faible en zotte même quand considère chakene individuellement, mais dans zotte l'ensemble zotte représente ene la force et à ce stade la ça banne hadice là vine Hassan (bon/passable) ki ene l'autorité dans deen.

[Extrait de Al Jamiat Vol.1 No.13]

Couma établir la visibilité de la lune pou Ramadhaan

Après le 29eme jour de Sha'baan, si le temps claire et pena nuage dans l'horizon cote supposé trouve la lune, alors bizin ene bon nombre de personnes témoigne la visibilité la lune pou capave proclame la fin de Sha'baan et le commencement de Ramadhaan. Dans ça cas-là, témoignage ene ou deux personnes pas suffit.

Mais si le temps li sombreux et nuageux ki empêche la visibilité la lune, alors lors témoignage ene personne ki bien dans Deen, capave proclame le commencement de Ramadhaan et la fin de Sha'baan. Ça ene personne bien dans Deen-là capave ene missié couma li capave ene madame aussi.

Si le jour après le 29eme de Sha'baan pas fine trouve la lune, alors bizin attane encore ene jour pou faire le mois vine de 30 jours. Après le 30eme jour de Sha'baan, automatiquement le mois de Ramadhaan pou commencé.

[Extrait de Al Jamiat Vol.4 No.4]



JAMIAT-UL-ULAMA DE MAURICE

Cnr. Penang & Sumatra Street, Port Louis, Mauritius,
Tel: 240-0439 / Mob: 58622015

<http://www.jamiat-ul-ulama.org> / Emails: jamiat@intnet.mu / jamiathalal@myt.mu

